

Maitasunezko istorioa: MUTILA

Kaixo! Bizente naiz, 20 urteko mutila naiz, eta maitasunezko istorio bat kontatu nahi dizuet.

Londoneko metroan hasi zen dena, bertan ezagutu bainuen. Luxuzko hotel batean afaldu genuen, eta aste bi geroago...tira!, lagun soilak baino gehiago ginela esan dezakegu. Bera abeslari zebilen taberna batean.

Bahitu egin zuten, eta 2000 dolarreko diru-ordaina eskatu zidaten. Neuk ez neukan diru hori, baina, hala ere, salbatzea erabaki nuen. 22 kalibreko pistola hartu nuen eta abiatu egin nintzen.

Ailegatu nintzenean, gorde egin nintzen eta tirokatzen hasi. Hil nuen aurreneko aldia izan zen. Dena dela, beste batzuk ere gelditzen ziren hiltzeke.

Tiroak entzun zituenean neska oihuka hasi zen, eta oihuei esker aurkitu nuen. Ihes egitea lortu genuen; bera salbu zegoen. Etxera joan ginen eta zauriak osatu zizkidan. Geroago ezkondu ginen. Seme bi eduki genituen: Tom eta Byto.

Seme biak ere bahitu zituzten urte batzuk beranduago, eta 4000 dolarreko diru-ordaina eskatu ziguten.

Salbatzen joan ginen; erruki barik ekin nion tirokatzeari eta buruzagia hil nuen. Tiroa bota zidaten, baina lurrean jo zuten. Etxe zahar eta zikin batean sartu ziren. Tiroka jarraitu genuen. Haietako bat zauritu nuen, eta berak ere tiroa bota zidan: besoan jo zidan. Atzetik jarraitu nien semeak aurkitzeko asmotan. Zaurituta zegoena hil egin nuen; gero, bang!, bestea ere bai. Semeak salbu topatu nituen.

Orain 14 eta 12 urteko nerabeak dira. Neuk 38 urte daukat.

Istorio ederra, ezta?

Maitasunezko istorioa : NESKA

Dantzaldian hasi zen dena. Jai batera nindoan lehen aldia zen. Sartu nintzenean mutil batzuk barrezka zeuden, eta eurentako bat begira gelditu zitzaidan. Zerbait arraroa sentitu nuen gorputz osotik, eta ezin izan nion begiratu. Geroago, lagun batekin egon ondoren, paseatzea erabaki nuen, eta aterantz abiatu nintzen. Orduan topo egin genuen, bera sartzear baitzegoen. Lotsagorritu nintzen, eta berak, bere kontra kolpea hartu nuela ikusirik, honela galdetu zidan: "Minik hartu al duzu?"

Zer esan ere ez nekien; dardarka nengoen. Ondo nengoela esan nion, sustoa baino ez zela izan.

Berarekin dantzatzeko eskatu zidan. Dantzan oso txarra nintzela esan nion. Berak, ordea, honela esan zidan: "Ez da berandu ikasteko; neuk erakutsiko dizut". Gerritik heldu ninduen dantzan egiteko, besarkatu egin ninduen, eta sentsazio zirrargarria nabaritu nuen. Momentu

hartan munduko mutil ederrena iruditu zitzaidan: bere ile iluna, bere begi beltzak... Dena nuen gustuko.

Bat-batean, lorategira atera nahi nuen galdetu zidan. Baietz erantzun nion.

Banku batean jesarri ginen eta berbetan hasi zitzaidan:

- Zein da zure izena? Egia esan, nor zaren ere ez dakit, eta betidanik ezagutzen zaitudala ematen du.

-Mari Carmen dut izena. Eta zeuk zer izen duzu, non bizi zara? Inoiz ez zaitut hemendik ikusi.

-Luis Alfonso naiz, Benidormekoa; 23 urte daukat. Gauzatxo bat esan nahi dizut...ez dakit ondo zelan egin, baina... kontua da izugarri postu naizela sartzen ikusi zaitudanean; nire gustukua zara eta...

Hori esan zuenean gorputza dardarka hasi zitzaidan, eta lotsagorritu nintzela nabaritu nuen. Orduan, eskua hartu zidan eta bere eskuen artean eutsi zion. Aurpegira begiratu nion; begi bitxiak zituen, dir-dir egiten zuten ilargipean; irribarretsu zegoen, eta haize leunak ilea laztantzen zion.

Ez dakit zergatik egin nuen, zer gertatu zen, baina bat-batean, honela esan nion:

-Badakizu haxe dela hain arin maitemintzen naizen lehenengo aldia? Maite zaitut!

Besoetatik heldu ninduen, nigana hurbildu eta musua eman zidan. Bere ezpain beroak nabaritu nituen. Bai sentsazio ederra! Bai atsegina eta misterioa!

Bere bihotzaren taupadak ere igarri ahal nituen, eta horrek desagerrarazi zuen beldurra. Poza baino ez zen gelditu; poza eta korrika egiteko gogo, hegan egiteko gogo.

Agur esan nionean munduaren amaiera zela iruditu zitzaidan. Itzuliko zela agindu zidan. Nire helbidea eman eta idazteko eskatu nion

Bost hilabete eman genituen elkarri idazten, baina elkar ikusi barik. Halako batean, gutun baten bidez, berarekin ezkontzeko eskatu zidan. Ez nuen askatasuna galdu nahi, baina ezkondu nahi nuen. Eta horixe egin genuen: handik bi hilabetera ezkondu egin ginen.